



19. oktober 2010

Inatsisartut suleriaasianni § 36 imm. 1 naapertorlugu Naalackersuisunut imatut apeqquteqassaannga:

- 1. Ilaqtariit aalisartukkormiut piniartukkormiullu ajunaarnersuarmik eqqugaasimasut piaarnerpaamik taarsiiffigineqarnissaminnik kissaataat Naalackersuisut piartumik piviusunnngortilersaarpat?**
- 2. Atammimmit allakkatigut saaffiginnissutit qanoq akineqalersaarpat?**
 - a. Aalisartut aalisarnissaminnik akiliuteqarsimanertik sumilluunniit iluanaarutigisimasutut misiginnginnamikku akiliummik utertinneqarnissaat kissaatigaat,tamanna Naalackersuisut qanoq piviusunnngortilersaarpat?**
 - b. 25 juni-25 augustimut aalisarsimannginnertik pillugu annaasaminnik aningaasanik imaluunniit aalisannngitsuukkaminnik 294 tons-inik annaasaqar-nertik pillugu taarsiiffigineqarnissaminnik kissaataat. Tamanna Naalakker-suisut qanoq iliuseqarfigniarpat?**
- 3. Nunatsinni aalisartut piniartullu ajunaarnersuarmik nalaataqarneranni Naalackersuisut qanoq aqqiiniarlutik pilersaaruteqarpat?**
 - a. Piffissami qaninnermi qanoq?**
 - b. Piffissami ungasinnerusumi qanoq?**

Tunngavilersuut:

11 oktoberi aalisartorpassuit piniartorpassuillu ataqqinartut ilaqutaasa inuttaasa sulisartorpassuillu inuutissarsiornerminni ajornartorsiungaarnertik Inatsisartut ataatsimiittarfiata silataani suaartaatigalugit apuuppaat.

Akerliussutsimik takutitsineq annertunerpaaq nalitsinni aatsaat taamatut annertutigisoq nunatta oqaluttuarisaanerani misigaarput. Akerliuneq sakkortuvoq sineriassuaq tamaat peqataaffigineqartoq,tamassumallu erserneraa inuutissarsiutit pingaarnersaanni ajornartooneq qanoq imaannaanngitsigi-soq tikikipput.

Tamanna tamatta qularnanngitsumik sajuppillassutigaarput, aammalu annertuumik misigissutsikut eqqorneqaatigeqaarput misiginneqataanerlu uanninngaanniit angingaarpoq, aalisartukkormiuugattami.

Iiami nunatsinni inuutissarsiutit pingaarnersaat taamatut ittumik killiffeqarnera imaannaanngitsuvoq tusaanngitsuugassaanngitsoq.

Aalisartut aalisarnissaannik ullumikkut taamarsuaq pisassaannik killilersui-nerup ingerlanneqarnera aalisarnikkut inuutissarsiutip nunatsinni pingaarnersaasup ajutoorutigilerpaa, tamannalu akuersaarneqarsinnaanngilluin-narpoq.

Taamatut iliuseqarneq ilaqutariinnut aalisartukkormiunut aningaasatigut annaasaqarnerujusuarmik allaallu inuiaqatigiinni ajunaarnersuarmik kinguneqarsinnaasumik iliornerusoq aalisartunit piniartunillu nalilerneqarluni tamatsinnut apuunneqarnera Siumumit imaannaanngitsutut isumaqarfigaar-put,sakkortunerpaamillu pissutsit illuanut saatinnissaat anguniarlugit pisassiissutaasut qaffanneqarnissaat pisariaqartutut isumaqarfigaarput.

Aalisartortavut eqqissillutik ila aalisarniarlik ,sunami alla inuuniutigissagamikku uffalu aakakku aalisakkat puttasut aningaasarpassuarnik aallerfiusinnaasut,saarulliimmi utertut nunatta aalisartortaannit aamma aalisarneqartariaqarput, inuiaat sanilitta aalisartortaasa kisimik aalisagaativut pisuussutivut kisimiillutik qallorsinnaanngilaat iluaqutigalugillu. Maani nunatsinni aalisartortavut tamanit sallerasaariaqarput,taakkuuppummi ikiugassavut tapersersugassavullu,allat taamaaliorna-viannngillat uagununa pisussaaffipput.

Akerliussutsimik takutitsinersuarmi allakkanik aamma Siumumi apuussiffiqeqarpugut. Tigusimasatta ilagaat Atammimmi aalisartut piniartullu peqatigiinnit allakkat ammasut.

Ruth Heilmann, Siumut